

555159

四川通志

四川通志

四川通志

卷首之九

聖訓九

嘉慶四年正月初三日奉

上諭予以薄德寅紹

丕基自丙辰初元

皇父太上皇帝親投大寶夙夜兢兢深以不克負荷是懼

仰賴

天

四川通志 卷首之九 聖訓

祖垂佑我

皇父康彊純固

訓政彌勤予日侍

聖顏時聆

恩誨事事得有稟承每歲掖

輦巡方萬眾歡忻同殷瞻就予問

安視

膳之下竊幸

皇父精神矍鑠不減平時愛日寸忱于焉稍慰昨以庚申

年恭值

皇父九旬萬壽予躬率王公大臣等臚誠籲請舉行慶典

欣荷

慈俞率土敷天同伸舞蹈敬念

皇父年躋上壽諸福備膺

五世一堂卽日可見來孫之喜凡子臣頌禱無已之詞皆

我

皇父德福兼隆之實予所

天祝嘏來日方長慶幸之餘惟知一則以喜實不忍言一

四川通志 卷首之九

則以懼也

皇父壽履康寧得

大獨厚自強不息閱數十年如一日自上年冬臘感偶風

寒調愈後氣體雖遜于前然猶日親

訓政未嘗稍輟前蒙古王公及外國使臣等瞻覲

聖顏欽承

溫諭無不頂祝期頤正旦

御乾清宮予躬率王公文武大臣等行慶賀禮方冀人春

以後漸可復元詎期我

皇父忽焉奄棄臣民于正月初三日辰時

龍馭上賓搶地呼天椎心泣血

深恩罔極欲報無由敬思

皇父御宇六十年来厚澤深仁淪浹肌髓凡有血氣莫不

尊親自必如喪考妣予受

恩嗣統當茲大故殫鉅痛深哀感之外尚復何言惟念

皇父付畀至重凡所以勉紹

前猷仰承

先志者實親躬之責繼自今欲再聆

四川通志卷首元

三

慈訓豈可復得煢煢在疚祇懼日深尚賴内外文武大小

臣工共矢公忠敬襄邇治彌亮予躬卽以上報

皇父恩遇其軍營總統諸將等亦當仰體

皇父簡拔委任之恩

訓誡督責之意振作自新迅掃餘孽上慰

在天之靈尙屬天良不昧勉之至一切喪儀著派眷親王

淳穎儀親王永璣成親王永理大學士和珩王杰尙

書福長安德明慶柱署尙書董誥尙書彭元瑞總管

內務府大臣縕布盛佳總理其詳稽舊典悉心酌議

隨時具奏施行將此通諭中外知之欽此

嘉慶四年正月十三日奉

上諭惠齡等奏元日掃蕩麻壩寨賊巢生擒逆首冉文

儔一摺所辦可嘉已於摺內詳晰批示川北賊首冉

文儔與羅其清同時起事到處焚掠擾害良民實屬

罪大惡極羅其清前已生縛解京而擒獲冉文儔掃

蕩賊巢適當元日此皆仰荷

上天垂眷

皇考默佑嘉慰之餘明感不盡惠齡德榜奏前次生擒羅

四川通志卷首元

四

其清今又能將冉文儔拏獲殊爲奮勉著加恩各賞

給頭等輕車都尉世職其出力各員弁已明降諭旨

分別加恩所有砍開木城手殺賊匪受傷陣亡之遊

擊段逢春外委蔣芳李大盈著各部加倍恩卹打仗

陣亡之守備何勝華外委董榮著各部議卹至摺內

稱將冉文儔首級解京一節此可不必著卽於該首

逆滋擾地方每處懸掛數日俾受害良民快心洩恨

而不逞之徒亦共知儆惕再冉文儔之子冉添受擒

獲後曾否正法摺內未經敘明如業經正法則已若

已起解著於途次截回卽行凌遲正法梟示至惠齡等前次卒獲羅其清曾將出力員弁開單具奏因和珅諸事專擅格賞不行著惠齡等將前次原奏出力人員名舉遇報便再行進呈候朕酌加恩賞此時惠

齡等兵威已振事機順利尤當鼓勵直前探明何路緊要卽向何路勦辦以次肅清餘孽緩靖地方全我滿洲顏面近來各路領兵大員皆以專擒首逆爲事竟置餘匪於不問是以王三槐羅其清等獲後餘黨仍四出焚掠未見肅清今首逆冉文儔又經卒獲必

四川通志

卷首之九

五

當將各股賊匪一律勦盡方爲著有成效又聞各路勦賊名爲繞截其實畏賊遠避民閒有賊至兵無影兵來賊沒踪可恨兵與賊何日得相逢之謠又聞有賊來不見官兵面賊去官兵纔出現一語此等積弊已非一日朕所深知嗣後各路帶兵大員務當痛加檢改實心實力奮勇立功迅速肅事不得仍蹈故轍致干重譴此一節著傳諭各路軍營一體謹遵將此由六百里加緊又緊傳諭知之欽此

同日又奉

上諭惠齡等奏攻克麻壩寨生擒逆首冉文儔一摺冉文儔與羅其清皆係著名首逆糾衆滋擾實屬罪大惡極羅其清已生擒解京今擒獲冉文儔適當元日此皆仰賴

上天重眷

皇考點佑覽奏嘉慰卽感不盡此次官兵進勦麻壩寨分路環攻賊賊多名擒縛渠魁掃蕩巢穴所辦甚爲奮勉可嘉惠齡德楞額著加恩賞給頭等輕車都尉世職其吉林甲兵德楞額額川北鎮兵陳在朝李正瓏

四川通志

卷首之九

六

鄉勇首周應龍等當冉文儔執旗撲出時該兵勇等衝入賊隊卽行擒縛尤爲出力已於摺內親批德楞額著授藍翎侍衛陳在朝李正瓏俱著以千總卽用周應龍著入伍以千總卽用惠齡等保奏出力之副將銜泰將穆克登布著加恩賞給總兵銜員外郎鄭成基准其以道府擢用其另單保奏之員弁兵丁書吏等俱著照所請加恩以示鼓勵所有受傷員弁交兵部照例給賞單併發欽此

嘉慶四年二月十七日奉

御批

太上皇父武功十全開疆拓土從未似此次用兵遲延迨

迨至三年之久未能成功當

龍馭上賓時執朕之手頻望西南似有

遺憾爾等皆滿洲世家上忘祖父舊勲不思盡忠報國惟

知苟延歲月軍中宴樂總不盡心朕若不繼承

先志則大不孝矣使朕有不孝之心汝等能當罪乎涕泣

諭此欽此

嘉慶四年三月十八日內閣奉

四川通志 卷首之元

七

上諭據勒保奏官兵剿捕蕭占國張長更兩股賊衆全

數戮獲淨盡一摺此皆仰賴

上蒼默佑

皇考威靈覽奏易勝欽慰此二股賊匪從前在白岩山與

林亮功合夥林亮功鎗斃後卽各自爲首到處焚掠

滋擾此次該逆匪等由閬中折回經額勒登保率領

將弁兵丁連次截剿將賊衆逼上譚家山額勒登保

等復督率弁兵乘夜鎗上山梁痛加剿戮賊匪斬獲

殆盡賊首蕭占國張長更均經戮斃此次打仗得勝

情形實爲認真剿辦卽如所奏殺斃賊數實有六千

餘各並聲明臨陣投首訊明釋放外其被害之人因

其從逆抗拒臨時無從分別非濫及無辜可見所奏

屬實非從前之虛報首功粉飾具奏者可比額勒登

保病勢初愈卽奮勇帶兵轉戰直前實屬可嘉之至

前此惠齡德楞泰止擒獲冉文偉一犯而川北地方

尙有竄出餘孽未能剿淨曾經加恩各賞給頭等輕

車都尉世職今額勒登保剿除兩股賊匪殲盡無遺

厥功尤偉額勒登保著加恩賞給二等男爵世職勒

四川通志 卷首之元

八

保係經畧大臣此次剿賊著效雖未親在行間亦由

其調度得宜而於投出被脅良民酌給銀米遞籍安

插所辦尤爲妥協勒保著加恩賞給喜字玉搬指一

個嵌松石金盒一個黃辦珊瑚豆大荷包一對小佩

包一對繡火鑲包一個額勒登保亦著加恩賞喜字

玉搬指一個嵌松石金盒一個小佩包一對繡火鑲

包一個其打仗受傷之總兵銜穆克登布著交部從

優議敘隨同帶兵出力之總兵朱射斗楊遇春泰將

劉瑞遊擊喜明防禦全保前鋒安楚拉藍翎領催彥

舉勒委官訥音登額倭楊泰俱著交部議敘陣亡之副將孫大猷守備陳凡丁洪俱著交部議卹此時各路領兵大小諸臣經力加整頓之後看來皆有起色勒保身膺軍務重任惟當倍加威奮卽如伊弟永保從前在鍾祥縱賊罪無可辭經朕破格錄用復令署理陝西巡撫所以施恩於伊弟者原不過爲國家公事勒保等若能迅勉成功則軍營從前諸獎不但一概從寬仍加之懋賞倘伊等無福承受則國憲具在致朕不得不爲已甚亦由伊等自取朕亦無所容心

四川通志

卷首元

九

於其間也欽此

嘉慶四年三月二十五日奉

上諭據勒保奏官兵勦捕冷添祿一股賊匪首夥全行掃蕩一摺仰賴

上蒼默佑

皇考威靈將此股賊匪首夥全行掃蕩暨奏尙勝欽感冷添祿一股賊匪上年自祖師觀竄出後又復到處奔匿日久稽誅今勒保因額勒登保勦滅蕭占國等股匪完竣後卽知會額勒登保帶領勝兵乘勢勦捕得

以迅就蕩平勒保調度得宜能得人心以致將弁等皆知感恩報效實不負經畧大臣之任深堪嘉獎至額勒登保前於病勢初愈後卽將蕭占國張長更兩股賊匪全行辦竣茲於途次一聞冷添祿在岳池地方游奕之信卽由開道督兵連日冒雨進行趕抵賊巢出其不意痛加勦殺冷添祿中箭身斃額勒登保又復乘勝將餘匪撲滅淨盡旬日之內殲除三股賊匪實爲奮勇可嘉不愧認真出力之大將前已加恩賞給二等男爵世職著再晉加一等男爵其從前恩

四川通志

卷首元

十

賞銀一萬兩未經完繳者免其著追其隨額勒登保打仗之吉林索倫滿洲綠營兵丁著勒保查明普賞一月錢糧以示鼓勵勒保另摺所保之軍營出力之各員內如護軍泰領格布慎係薩克丹布之子烏鎗最爲精熟朕所深知今經勒保於單內首先列入足見其所保公當已另降諭旨俱照所請加恩矣從前各路帶兵大員祇圖擒獲首逆仍任餘匪竄逸以致一股甫平復起另股迄無竣事之期今於旬日之內連辦三股賊匪不留餘孽從此廓淨一股卽肅清一

殷可望成功朕竚盼捷音踵至也欽此

嘉慶四年七月初七日奉

上諭勒保奏朱射斗一路官兵鎗斃首逆包正洪一摺

覽奏欣慰感

大恩不盡朱射斗在小毛坪地方分路圍攻包正洪中鎗

身死斃賊多名所辦尚好已明降諭旨分別加恩以示鼓勵惟包正洪之弟包三率領餘匪數百人竄入大寧之尖山場尚未全行剿盡應即飭令朱射斗乘此勝勢迅速追捕務將包三等逸匪悉數殲除毋使

四川通志 卷首九

十一

稍留餘孽一俟撲滅此股後即就近赴德勝泰一路協助張添倫或助七十五兜擒徐添德李淑等股直入楚境以期速獲渠魁肅清餘黨至招撫脅從難民一事早經降旨曉諭令據勒保奏教匪探馬到處將勝黃告示揭去被脅之人無從看見以致解散無多賊匪狡諂情形實為可恨之極勒保於難民內擇其明白勇敢者密帶告示分投傳播散出者已有肆千餘人其殺死賊目投出之趙輝宗等獎給八品頂帶所辦甚是但此處惟當將已投出者重加撫卹斷不

可存吝惜錢糧之見併飭知各路軍營照此辦理亦

解散賊衆之一法若使投出之人無可依靠自必仍

去從賊又堅脅從之心不肯投出矣總之從賊者必

應用勒保同者必宜加恩再據松筠奏藍號賊匪由

寧羌竄入南江自己與白號合夥前於白號折竄南

江時即諭令勒保於雲貴廣東新到兵內酌量抽撥

派往南江截剿今藍號一股又已竄至該處究係何

員帶兵在彼堵截如何相機剿捕之處即着勒保查

明具奏將此由六百里加緊諭令知之欽此

四川通志 卷首九

十二

同日奉

上諭勒保奏朱射斗一路官兵鎗斃首逆包正洪一摺

覽奏欣慰朱射斗追剿包正洪一股賊匪在小毛坪

地方併力圍攻鎗斃首逆包正洪一股賊匪在小毛坪

鎗身死此次打仗將領官兵等奮勇出力甚屬可嘉

朱射斗着賞給騎都尉世職該鎮所帶兵丁俱賞一

月錢糧以示獎勵所有出力將弁等並着勒保查明

保奏再降諭旨欽此

嘉慶四年九月初三日奉

四川通志

卷首元

三

上諭勒保奏七十五一路官兵痛剿樊人保匪聚生擒首逆龔建並籌剿楚省竄回賊匪一摺此次七十五等追剿樊人保於開縣地方分兵進擊兩次殲斃賊匪五百餘名擒獲賊匪阮明等二百餘名其賊首龔建亦就擒獲前此龔府一路原有龔建卜三聘兩股嗣又訊據獲賊龔文玉龔奇位等供稱並無龔建其人今於樊人保股內將龔建拿獲並經獲賊指認屬實所辦尚好至官兵在臨江寺搶上山梁時守備桂滿千總楊富貴鄉勇頭桂直諫見有穿紅氍毹馬褂賊匪奔下山溝桂滿等知係賊首即馳往抄截當將此賊生擒訊明即係賊首龔建實屬奮勇可嘉朕於閱摺時即將桂滿三人名字圈出欲加獎勵及閱勒保摺片亦請將桂滿等三名酌加鼓勵所奏諒無虛捏桂滿着交魁倫即以都司銜用楊富貴桂直諫俱着賞戴藍翎以示獎勵至朱射斗一路所剿高二馬五之賊雖先後斃賊百餘人而朱射斗以該匪總在川陝邊界行來奔竄老山林內糧運維艱欲撤出老林欲同慶灣設法兜剿勒保接到稟報後因李淑徐

四川通志

卷首元

高

添德等股匪聚已折回川境即飭令朱射斗就近馳往龔巫一帶會同德英額相機迎截其高二馬五一股交慶灣于平利一帶竭力堵禦所辦亦尚為得當現在楚省境內祇有幸聰張天倫一股賊匪昨據倭什布德楞泰奏人數不過二三千業經圍合勦辦該匪等原欲與李淑等股合夥滋擾今李淑等已被官兵逼回川境則辛張二逆其勢益孤此時倭什布德楞泰或已能乘勢剿除亦未可定即尚未撲滅亦必將辛張二逆逼入川是目下情形楚省已漸可肅清而川省又未免着重昨已降旨令額勒登保探聽李淑等確踪迎頭截殺額勒登保自西而東德楞泰自東而西為兩面夾擊之計其王登廷一股專交魁倫勦辦額勒登保魁倫當遵照昨旨奮力擊剿以期一鼓撲滅用副委任所有此次打仗陣亡之遊擊治正恩千總徐恩把總羅尙仁田武魁俱着咨部賜卹將此由六百里加緊諭令知之欽此

嘉慶四年十二月十二日奉

上諭本日據額勒登保奏官兵在猶兒壩青字壩剿賊

情形當經降旨許諭申刻復據奏到生擒首逆王登廷一摺覽奏稍慰已明降諭旨將盤獲逆犯之南江令喬維新署巴州知州常發祥並汛弁軍功鄉勇等分別加恩陞補賞戴花翎並加賞額勒登保喜字玉搬指一件松石鑲嵌金盒一個鑲寶石玉帶頭一件黃辦珊瑚豆大荷包一對小荷包四個以示嘉獎矣官兵在貓兒壩青字壩截剿賊匪失利陣亡將弁多名竇堪悼惜額勒登保於初三日發摺後卽於初四日據報盤獲首逆王登廷該犯因官兵追殺緊

四川通志 卷五十九

五

急隻身逃竄混作難民經喬維新等盤獲安知非陣亡官兵忠魂靈助不使該犯免脫漏網王登廷一犯不必解京著傳諭額勒登保查明前次陣亡之御前侍衛公安祿及此次陣亡之副將參將遊擊都司守備佐領驍騎校千總等官一體按名繕寫牌位擬輿祭文宣讀諭旨賜以御祭著經畧額勒登保代朕奠酒親自行禮卽將該犯王登廷在陣亡官員靈前齎致祭俾閱營官兵丁咸知感動以慰忠魂而勵士氣所有陣亡員弁並著額勒登保查明各該員各

下有無子嗣詳悉具奏到日再降諭旨至額勒登保此次盤獲王登廷與所奏貓兒壩一帶官兵挫折之事相隔僅止一日若從前軍營統兵之人遇有此等情事必將官兵失利之處壓擱不奏轉將首逆王登廷作爲打仗擒獲掩敗爲功其陣亡多員分作數次含混入奏以爲支飾之計前此軍營積習竇堪痛恨今額勒登保於官兵在貓兒壩一帶被賊攻擊營盤之事據實直陳並不稍存諱飾而於首逆王登廷就獲亦將實係該署州縣及鄉勇等盤獲情節一併明

四川通志 卷五十九

六

白聲敘並不援爲己功是此方不愧經畧之任賢於勒保百倍矣軍營統兵大員原在調度合宜用人得當不論何人能將首逆捕獲卽屬主帥之功豈必親自擒拏始足著績而統兵大員等於何人擒獲首犯卽指明入奏不沒其功則將領自必人人用命倘將他人勞績攘爲己有又何以勵軍行而示獎勵卽朕之所以嘉予額勒登保而加之賞賚者實在於此不特額勒登保於將士勞績實能秉公辦理卽爲伊籍敘奏摺之人如胡時顯能體額勒登保公忠之意據

四川通志卷之九

七

事直陳不染從前說報惡習亦堪嘉許又勝於從前捏寫假摺之章京數倍矣朕中心獎許非漫言也前此賞給胡時顯三品職銜亦由於此至額勒登保節次所奏各摺俱能核實聲敘惟於賊匪業已窮蹙一語似尚非確實如果賊情窘迫無衣無食當此冬令沍寒必至凍餒就斃又豈能用計繞至山後攻撲營盤昨已降旨詳悉諭示並令額勒登保酌量情形倘兵力尙單不妨於那彥成軍營內調撥盛京吉林兵一千若尙有不敷並應據實奏明將黑龍江預備兵一千名添調在額勒登保不將賊匪並未窮蹙之處詳悉入告其意自以賊多必須添兵而添兵又恐經費不足是以未將實情陳奏勦辦賊匪必須先量兵力現在帑項漸充額勒登保總不必爲省費起見轉致辦理掣肘前後降旨甚明惟此旨由六百里加緊發往額勒登保亦由六百里加緊覆奏添兵朕於伊奏到後卽行飭令黑龍江將軍迅速派調計此項兵丁總於三月方可到營額勒登保惟當通盤籌畫倘此旨到各股賊匪實已潰敗於正二月內定可戡功

四川通志卷之九

八

卽調兵到敎已不能趕上自當奏聞停止調遣設使賊匪股數較多正二月內尙不能一律勦盡有需增添兵力亦不妨將實在情形據實具奏敎匪滋事已閱四年卽來年正二月內不能全數辦竣有何不可明言之處額勒登保正不必稍有遷就以致兵力不敷轉稽時日欲圖節費而更滋費也將此由五百里加緊諭令知之欽此

嘉慶四年十二月十三日奉

上諭據額勒登保奏生擒首逆王登廷一摺內稱王登廷與冉添元等於上月經官兵勦潰王登廷由東均場一帶奔竄經額勒登保密派兵勇到處搜捕現據署南江令喬維新稟報於大河口地方經軍功鄉勇等將王登廷盤獲等語王登廷一犯在川省起事與徐添德等狼狽爲奸經官兵連次追勦隻身逃竄今軍功鄉勇等既生擒徐添德冉添元等股賊匪自必聞風胆落竄功不遠額勒登保昨已降旨補授領侍衛內大臣着加恩賞給喜字玉搬指一件松石鑲嵌金盒一個銀寶石玉帶一件黃辦珊瑚豆大荷包一

對小荷包四個以示獎勵王登廷一犯不必解京卽於軍營凌遲處死俾遠近賊黨咸知震懾摺併發欽此

嘉慶四年奉

上諭地方義勇鄉民隨同官兵打仗出力上爲國家敵愾下爲鄉里保障其中有不顧軀命力犯先鋒並身陷賊中抗節不屈者以小民而能激發於義憤志切同仇深堪嘉憫若不據實上聞加之獎賞則鄉勇等殺賊旣不能敘功徒死亦竟無賄卹似此漫無激勸

四川通志

卷首之九

九

伊等豈肯用命甚至被賊裹脅轉爲賊匪所用亦未可定前此松筠奏請加恩寔爲得當從來軍營中未有奏及者著傳諭明亮等各路鄉勇如果有忠義奮發殺賊陣亡者皆當照松筠所奏一體辦理其隨征打仗倘有分外出力者亦須隨時獎賞並可酌給頂帶旣足以示鼓勵而衆鄉勇亦可藉資激勵俾有統率不致散漫無紀又賊匪脅從難民節經降旨諭令妥爲招撫昨據勒保奏同時散出者有數百人至于餘名不等並將安撫事宜開單進呈此等民人真心投

出者固多而心懷反側者恐亦所不免於受撫之中仍當寓防閑之意使之卽時散處勿令聚集一處方爲妥善倘有來斯受聽其往營盤充當夫役其爲數多者旣慮有心懷叵測之人又生反覆或乘夜驚擾搶劫糧餉軍火等項殊有關係卽爲數少者亦安知非一時詐降或爲賊探聽軍情機密仍復乘間逃回轉致賊匪得以知我虛實朕聞各路軍營中遇有逃出

四川通志

卷首之九

三

衆多往來自若耶自後各路軍營遇有投出難民務須卽交地方官詢問來歷妥爲分別安置並量爲周給俾得依棲有所口食有資勿使停畱聚處別滋事端此等難民若不妥爲經理速行安頓則投出之後仍復難免流移設使饑餓難堪必至又去而從賊何以廣招徠而散賊黨耶總之辦理賊匪惟當以勦爲重如能將眞賊痛加裁戮使之震懾軍威則其附從黨與及被裹脅之人自必畏死紛紛投出而安撫之事尤在隨時分散安置得所於軍務方有實効也再

邪匪滋事起自楚省沿及河南川陝地方往來奔竄
三載有餘黨夥幾及十餘萬其中附和裹脅者居多
實在教匪未必若是之衆總緣起事之初地方官辦
理不善激成事端蓋科邪匪之罪自有本律原與叛
逆殊條倡立邪教名目傳徒惑眾爲首之犯律應斬
決外其爲從者祇遞減流徒至於燒香念佛持齋誦
經皆係愚民無知並非身犯叛逆罪應凌遲子孫緣
坐者可比乃州縣等因奉文緝拏邪教逆衆公差四
出暮夜提人幾與查辦叛逆無異以致人心驚惑通

四川通志

卷首之九

三

迫變生意外至邪教正犯賄囑差役縱令潛逃將村
莊富戶竄名其中妄拏拷掠藉此索詐銀錢輾轉牽
連州縣竟視拿邪教爲利藪矣臺灣林爽文達州王
三槐之滋事未必不由於是其初不過治以邪教
罪名可結之案而其繼竟成爲叛逆勞師糜餉日久
未克蔽功將來賊平之後恐此等念佛燒香之事尙
不能免如果有邪教之名目自應嚴行查辦但當按
照本律治以應得之罪不可指爲川楚餘匪視同叛
逆卽現在從賊中投出難民甚多皆遣還原籍安置

或有生事之徒以其曾經從賊挾嫌告許州縣等務
當秉公聽斷亦不得以川楚邪黨妄行處治如此分
別辦理方足以安反側而靖人心明亮等當通飭各
地方官一體凜遵辦理又勒保初三日奏到摺內稱
賊匪驟聞兵至卽將器械食物拋棄奔逃又稱我兵
搶獲鎗炮刀矛旗幟牛馬衣物無算等語賊匪見官
兵追趕緊急故將物件拋棄以餌我師乘隙遠遁明
係賊匪詭計而官兵墮其術中以致不能趕及此後
進剿賊匪總當以緊蹙賊踪奮力勦殺爲要卽有賊

四川通志

卷首之九

三

匪遺棄物件毋許官兵當時爭取若果能直前殲滅
則賊遺棄之物終爲我何必急於奪得轉縱賊匪
遠去耶將遇軍報之便各諭令知之欽此

嘉慶五年二月十八日奉

上諭魁倫奏賊匪分竄情形一摺已於摺內詳悉批示
賊匪搶渡嘉陵江西岸後於高院場分爲兩股沿途
焚掠如火燎原勢難撲滅聞魁倫所奏情節朕心實
深焦急宵旰不安此時魁倫分撥官兵在太和鎮至
綿州一帶逐段防堵該督於潼川近城之鳳凰山駐

割遏賊由鹽亭趨省大路亦祇可如此辦理至前調貴州官兵計算陸續可到川西今魁倫又飭調土兵三千六百名並准七十五來咨該提督已帶同總兵李紹祖統兵四千五百餘名自大寧起程前來魁倫飛札囑其取道順慶以便迎擊鹽亭南部等處竄匪現在魁倫惟當於潼川一帶分飭官弁認真防堵勿使賊匪竄過潼川河以致完善之區遭其蹂躪一面嚴密守禦一面飛催黔兵土兵迅速償行一俟七十五由順慶趕到即可爲兩路夾攻之計至署射洪縣

四川通志 卷首之九

重

知縣張鳴彝聽聞賊匪逼近卽畏懼自縊身死事前毫無展布臨事惟一死塞責殊屬怯懦無能無庸置議署南部縣知縣王贊武率領鄉勇堵禦遇賊打仗致被戕害此人官聲本好實屬可惜著咨部議卹再所調黔兵土兵及七十五帶赴川西之兵原爲剿賊之用魁倫不得藉堵潼河爲辭不行帶領打仗爲擁兵自衛之計卽魁倫現在分佈潼川至綿川防河各兵一俟團集鄉勇到卡亦當撤回軍營帶領打仗不可令其株守河干置之無用之地現又催令德楞泰

勒保迅速赴川不日諒可趕到此時魁倫惟當在潼河一帶實力守禦倘稍有疎懈使賊匪乘間偷越是魁倫既不能預防嘉陵江西岸又不能守住潼河則罪上加罪斷難再邀寬宥再賊匪搶渡嘉陵江時係定遠縣地界該縣孫熙不能認真防堵以致賊匪搶渡江後勢益猖獗到處焚掠罪實難寬前經降旨令魁倫據實查奏想此旨目下早經接到著魁倫卽將該縣孫熙嚴行奏奏再摺內稱省局存銀無多現在軍需緊要咨催陝省速將餉銀解川一節昨據國霖

四川通志 卷首之九

語

等奏定住已分解餉銀四十萬兩起程赴川其兩淮浙江解川餉銀在鳳寶一帶停待亦著廣興卽爲催償並於部庫中發銀一百萬解交山西存貯候撥魁倫一路軍需應用若干卽向廣興支取不虞稍有缺乏正在降旨飭諭問適據魁倫奏到接奉諭旨覆奏之摺據稱額勒登保於正月初一日帶兵前赴甘省魁倫因調取各路兵丁料理衣履器械及支領鹽菜等項致有耽延而額勒登保原派追剿王登廷及徐添德餘匪之穆克登布又諭令赴陝以致此股賊匪

無兵追剿因合州竄至定遠搶渡嘉陵江自係實在情形至該州縣原有團勇一千八百餘名上年六月間經福寧裁撤然則此非廣興擅裁鄉勇之罪福寧彼時自因嘉陵江一帶賊踪甚遠爲節省糜費起見最爲裁撤不爲無罪現已將伊仍發伊犁効力但上年嘉陵江岸並無賊匪搶渡已隔半年有餘今因大兵全赴甘境疎於防範致有此次搶渡之事續勒登保與魁倫均難辭咎而魁倫本係署總督接辦額勒登保軍務之人不能妥爲布置過將推諉至另片請

四川通志

卷首之九

五

將廣興所參知府言朝標知縣李元馬鳴鑒各員暫行緩辦一節現當軍務萬緊之際何暇查辦此等事件魁倫惟當上緊辦賊勉贖前愆如續有打仗情形卽行迅速具奏將此由六百里加緊諭令知之欽此

嘉慶五年四月初三日奉

上諭前據魁倫奏到川西竄匪由太和鎮之王家嘴搶渡潼河致潼河進西完善之區遭賊荼毒自接此奏後連日朕望軍書刻深焦厘本日德楞泰奏到賊匪竄渡潼河伊帶兵追剿情形竟將搶渡潼河賊匪痛

加戮戮擒殄著名賊首雷世望教首孫老六及偽總兵大小頭目等十二名覽奏實深欣慰以手加額叩

謝

著吳重慈

呈考然佑曷深慶幸前此德楞泰在劍州李家坪等處將張子聰等股賊衆大加殲戮後復跟踪追剿竄往南部鹽亭賊匪原冀前有潼河阻隔趁此極好機會將賊匪追至河邊逼投絕地以期一股殲除詎料該處河內船隻未撤他處兵勇又不能實力堵禦以騎馬

四川通志

卷首之九

五

之賊得以淌渡搶船竄過潼河西岸德楞泰帶兵踵至追擊未經渡河之步賊殲獲掩斃者甚多因卽緊跟賊踪不予以暇並奏亦不暇繕寫無分晝夜追趕賊匪正在新店子地方屯聚造飯德楞泰卽督率官兵分投搶撲山梁奮力捷擊擒殄首逆要犯及大小頭目多名共殲賊匪一千三四百名生擒匪犯及被脅難民一千三百名分別辦理並救出回寨被圍之百姓一萬數千人實屬可嘉之至德楞泰爲國出力拯救良民旬日之間捷音連至自應再加懋賞用獎

勒勞德楞泰前已封爲三等子著晉封一等子賞授四川成都將軍至派往勦辦圍逼成谷太和等處四寨賊匪救出一萬數千良民之侍衛達勒精阿副將倭星額及隨同德楞泰打仗出力之副都統寶冲阿温春副都統銜阿穆勒塔總兵李紹祖已用硃筆圈出著交部從優議敘此外如有出力人員仍著德楞泰查明具奏再降恩諭至防堵潼河正當勦賊萬緊之際早經魁倫飭令地方官將所有船隻盡撤他處以防賊匪搶渡乃該縣並不遵照辦理使賊匪得以

四川通志 卷之九

三

搶船徑渡總督魁倫卽因此革職拿問且潼河西岸繁庶之區頓遭焚掠此次荼毒生靈不可勝計皆由該縣疎縱所致卽律以抵償亦罪所應得著德楞泰勒保查明該縣係屬何人一面奏聞一面卽在賊匪搶渡地方正法俾沿河沿工一帶防堵各員知所炯戒此外如有同在該處防堵之員亦著一併查出嚴索治罪至此項船隻亦應查明如並非賊匪搶得或竟係該船水手爲賊濟渡亦當查明一併正法此時賊匪雖已搶過潼河分投奔竄據奏仍在兩河之間

檢查魁倫前此奏到圖內潼河南面尙有河一道所繪河形雖不及潼河嘉陵江之大並未注有何名但賊匪究有一水阻隔昨據勒保奏伊帶兵于中江一帶進發知會施縉帶領黔兵在潼迎擊此時德楞泰自東而西勒保施縉自西而東正可因賊匪在兩河之間前後夾擊悉數殲擒肅清川西地方朕惟有計日以盼捷音之至並著查明潼河南面小河係屬何名附便具奏再川北一帶尙有零星賊匪若置之不辦勢必又成入股昨阿迪斯業經拿問曾令勒保與

四川通志 卷之九

天

德楞泰會商派令鎮將酌帶兵力前往勦除今據阿迪斯奏大竹遂寧地方均有賊匪滋擾阿迪斯並不親往勦辦僅派令遊擊等帶兵數百名前往勦捕深不足恃除降旨將阿迪斯治罪外著再傳諭德楞泰勒保遵照昨旨速派得力鎮將帶兵卽往勦捕伊二人係本省總督將軍必當通盤籌計勿令川北賊匪再有蔓延爲要又昨據那彥成奏甘省剿剩賊匪不及千人竄過龍安已知會百祥截勦百祥一人在彼恐不能得力龍安地方係現在德楞泰等進兵後路

必應迅速剿除著德楞泰勒保酌派鎮將帶兵協同
剿辦不可令與川西竄匪會合亦不可以驅出龍安
了事以致賊匪折回甘肅總須在龍安一帶將此股
賊匪剿盡再連日德楞泰奏報總未提及首逆徐添
德現竄何處本日摺內卽徐添德之徒弟汪瀛亦未
提及前據廣興具奏賊匪竄過嘉陵江後因徐添德
生日演戲酣飲是徐添德實係在川西竄匪隊中該
犯係起事首逆必須探明下落嚴密擒拿該犯被官
兵殺斃亦應驗明屍身確有証據方可信以爲實斷
不可令其潛匿漏網欽此

四川通志 卷首元

完

嘉慶五年閏四月初八日奉

上諭勒保奏連日督兵打仗殺賊情形一摺覽奏俱悉
高二馬五等股賊匪在鐵龍堡地方屯聚勒保督兵
馳往搶過獨水橋奮力剿殺先後殲斃賊匪三百餘
名活擒賊目董大榜及賊眾張子振等三十八名並
搜出難民一百五十餘名所辦俱好現在賊匪竄入
番地該處素稱強悍且言語服色與賊互異斷不肯
爲賊裹脅勒保正可乘賊匪在番地之時痛加剿殺

尅期集事况勒保處現有百祥施縉等帶領各股生
力勁兵更可將賊逼歸一處三路兜圍以期一鼓殲
擒斷不可使賊匪竄出復有裹脅良民之事並須嚴
密堵剿勿任賊再竄逸甘境方爲妥善此次督兵打
仗薛大烈尤爲奮勇出力前有旨將該員升授總兵
矣至高二馬五二犯係該處賊匪內著名首逆必須
設法擒獲盡法懲治或臨陣殲戮總須得有切實下
落勿令逃竄稽誅爲要勒保俟高馬各股賊匪剿淨
後卽帶兵幫助德楞泰勒保辦川北竄匪伊係本省總

四川通志 卷首元

三

督一切防堵事宜是其專責此時川北賊匪又思竄
渡嘉陵江西岸務須嚴飭地方文武多派兵勇實力
堵截不可稍有疎虞勒保係屬棄瑕錄用之人尤當
加倍奮勉剿賊立功方爲不負委任將此由六百里
諭令知之欽此

嘉慶五年閏四月二十九日奉

上諭勒保奏督兵追剿竄匪截住川西陝西各要路痛
殲賊眾一摺覽奏俱悉龍安賊匪由鳳陽山老林內
欲圖奔竄安縣石泉等處經官兵迎截兩次殲賊五